

# მწყემსი

საქართველოს  
ეკლესიის



მე ვარ მწყემსი კეთილი: მწყემსმან კეთილმან სული თვისი დაჰსდგის ცხოვართათვის. იოან. 10 — 11.  
მხოვე ცხოვარი ჩემი წაწყმედული. მსრეთ იყოს სიხარულ ცათა შინა, ერთისათვის ცოდვილისა. ლუკ. 15 — 4.  
მოვედით ჩემდა ყოველნი მაშურალნი და ტვირთ-მძიმენი და მე განვისვენოთ თქვენ. მათ. 11 — 28.

№ 4


1883 — 1901

28 თებერვალი.

ყოვლად სამღვდლო გაბრიელის საფლავზე  
ძეგლის დადგმა და მისი კურთხევა კელათის  
მონასტერში.

ბევრი შესანიშნავი პირების გვამნი განისვენებენ  
გელათის მონასტერში და ამ შესანიშნავ განსვენებულ  
პირთა გუნდს 1896 წელს, 10 მარტს კლდე მიემატა ერთი  
ყველა ქართველთაგან პატივცემული და საყვარელი  
მწყემსთ-მთავარის ყოვლად სამღვდლო გაბრიელის  
გვამი. შემდეგ ხანგრძლივი სასტიკი ავადმყოფობისა  
ყოვლად სამღვდლო გაბრიელი გარდაიცვალა 25 იანვარს  
1896 წელსა. დაობლდა იმერეთის სამწყსო, დადუმდა  
ქართველთა მწყემსთ-მთავრის ოქროს პირი. ამ უბედურებას

თითქო ბუნებაჲც თანაუგრძნო, მოვიდა უშეღებელი  
თოვლი, შეკრა გზები, შეიქნა რღნობა; მღვდელ-მთავრის  
დამარბვა, რომელიც უნდა მომხდარიყო ტიბიკონისამებრ  
რამდენიმე დღის შემდეგ, შეჩერდა თვე ნახევარი  
გზების შეკერისა გამო. ამ ხნის განმავლობაში  
მღვდელ-მთავარი ესვენა ქუთაისის საკრებულო  
ტაძარში პირ-ახლილ, უხრწნელად. ხალხი და  
ნამეტურ ექიმები გაკვირვებულნი იყვნენ, რომ  
მღვდელ-მთავრის გვამს, რომელიც თვე ნახევარი  
ესვენა ტაძარში, არავითარი ხრწნილება არ ეტყობოდა.  
განსვენებულის გვამის დაკრძალვის დღეს  
საქართველოს ყოველ კუთხიდან ხალხმა დიდი  
პატივი სცა და ნიშნად პატივისცემისა ძვირფასად  
შემკული ხატები მიართვა განსვენებულს. მღვდელ-  
მთავრის პატივისცემელთა და ნათესავთა გააკეთეს  
ძვირფისი სახატე, რომელშიაც ხელოვნუ-





რად და მშვენიერად არის მოწყობილი და ჩასმულნი განსვენებულისადმი ყველა მირთმეული ხატები. ეს ძვირფასი, ესრეთ წოდებული დიდი „კიოტი“ (სახატე) არის დამდგარი საფლავის ახლოს კედელთან. ამ კიოტს აქვს ზემოთ შემდეგი წარწერა: ნეტარ იყვნენ წმადანი გუჯიას, რამეთუ მათ ღმერთი იხილან. როგორც კი შეხვალთ გელათის დიდ ტაძარში, თქვენ დაინახავთ პირველად კედელზე ამ ბრწყინვალე კიოტს, რომელიც მთლად ამკობს იმ კედელს.

4 თებერვალს ამ 1901 წ. მოხდა ამ ძეგლის კურთხევა. ამ დღეს გელათში ყოვლად სამღვდლო ლეონიდი მწირველი ბრძანდებოდა განსვენებულის მწყემსთ-მთავრის სულის მოსახსენებლად და წირვის შემდეგ ეს ძეგლიც აკურთხა მათმა მეუფებამ. მღვდელ-ვთავართან ერთად მწირველნი იყვნენ გელათის მონასტრის წინამძღვარი არქიმანდრიტი სერაფიონი, დეკ. გ. ცაგარეიშვილი. იღუმენი სოფრონი და გელათის მონასტრის კრებული. წირვის გათავების შემდეგ პანაშვიდი იქმნა გადახდილი, რომლის აღსრულებაში მწირველ პირთა გარდა მონაწილეობა მიიღეს სხვა დამსწრე სამღვდლოებამაც. პანაშვილის დაწყების წინ, მათმა მეუფებამ წარმოსთქვა შემდეგი გრძნობით სავსე სიტყვა:

მოიხსენენით წინამძღვარი იგი თქვენნი, რომელნი გეტყოდეს თქვენ სიტყვათა მათ ღმერთისათა და... ჰბაძვედით სარწმუნოებასა მათსა (ებრ. 13, 7).


„ხუთი წელიწადია, რაც სტირის და გლოვობს იმერეთის სამწყსო თავისი სასიქადულო მწყემსთ-მთავრის გაბრიელის დაკარგვას; ხუთი წელიწადი შესრულდა, რაც ხსენებული მღვდელთ-მთავარი მოსწყდა სამწყსოს, დაღუპდა მისი მჭერმეტყველი ენა, ჩადგა მისი მამობრივი, წრფელი, მოსიყვარულე და სიამოვნებით აღსავსე ქადაგების ხმა, მაგრამ სამწყსოს მაინც ვერ მოუნელებია ეს მწუხარება, ვერ შერიგებია მას, სტირის და არ იზრობს დღევანდლამდე თვალებზე ცრემლებს. აჰა კიდევ ახალი და ცხადი საბუთი ნათქვამისა ეს დღევანდელი ჩვენი ამოდენა კრება!

ბედნიერია, ვისაც უფალი აღიარებს ესოდენ მაღალ ხვედრს, უკვდავია, ვისაც გაუმართავს ასეთი მტკიცე და ფართო ხიდი თავისსა და ხალხის გულ

შორის, ვისაც ასე არა ვიწროდ დაუბანაკებია ერის გულში! ასეთს, და მხოლოდ ასეთს მწყემსთ-მთავრიან სრულის გაბედულობით სთქვას თავისსა თავზედ იესო ქრისტეს მაღალი სიტყვები: მე ვარ მწყემსი კეთილი, და ვიცი ჩემნი იგი, და მიციან ჩემთა მათ (იოან, 10, 14).

მეტად გასახარელი და საქებურია ხსოვნა ერის მხრივ მწყემსისა, რადგანაც ამითი სამწყსო ასრულებს მოციქულის საღმრთო მცნებას: მოიხსენენით წინამძღვარი იგი თქვენნი, რომელნი გეტყოდეს თქვენ სიტყვათა მათ ღმერთისათა და... ჰბაძვედით სარწმუნოებასა მათსა (ებრ. 13, 7). და რომელია განვილილ საუკუნის ქართველ მწყემსთ-მთავართა შორის, რომ გაბრიელზე მეტად ექადაგოს ჩვენთვის ღვთის სიტყვა, გაბრიელზე ერთგულად და სურვილით ემუშავოს ღვთის ყანაზედ! დიად, საქებური და სასიქადულოა ჩვენი მხრით ხსოვნა და პატივისცემა განსვენებული დიდი მღვდელთ-მთავრისა, მაგრამ ხსოვნაცაა და ხსოვნაც. არის ხსოვნა და პატივისცემა გარეგანი, თვალთ-მაქტური, გამოწვეული ზაკვით და ცბიერობით და არის პატივისცემა და ხსოვნა გულითადი, წრფელი, ყოველ მხრივ ღირსი და შესაფერი მისი, ვისაც მიუძღვნით მას. ფარისევლები და მწიგნობრებიც პატივსა ჰსცემდნენ და იგონებდნენ წინასწარმეტყველებსა და მართალთა მათი სამარების გამშვენებით, მაგრამ მაცხოვარმა კი სასტიკად განკიცხა იგინი: ვაი თქვენდა, მწიგნობარნო და ფარისევლნო, ორგულნო, რამეთუ აშენებთ საფლავთა წინასწარმეტყველთასა და შეამკობთ სამარებსა მართალთასაო (მათ. 23, 29). სწორეთ დიდად უნდა გვეზინოდეს, მსმენელნო, რომ ეს ჩვენი საქციელი არ მიავადდეს თავისი ღირსებით სამართლიანად განკიცხულ მწიგნობართა და ფარისევლთა მოქმედებას, რომ ამ საქციელით არ გავარისხოთ ზეციერი მამა ჩვენი და არ მივაყენოთ აჩრდილი უსიამოვნებისა იმისს სულს, ვისმა ხსენებამაც შეგვკრიბა დღეს. ვიცოდეთ და გვჯეროდეს მტკიცედ, რომ უშედევო, უნაყოფო, ამაო და უქმი იქნება ეს ჩვენი სამგლოვიარო ყრილობა, ჩვენი სულთქმა და წუხილი, ცრემლთა ფრქვევა და ქვითინი, განსვენებულის სამარის მოკაზმა და გამშვენება თუ ამითი გავათავეთ ყველაფერი და ამაზედ შევდევით. არა, სხვა გვარ, სულ სხვა გვარ პატი-





ვისცემას გვავალებს ჩვენ ღვთივ გარდაცვალებული გაბრიელის სათნო სახელი. მარადის ხსოვნა და, შეძლებისადაგვარად განხორციელება საქმით იმ მაღალი, საღმრთო და სპეტაკი აზრებისა, რომლებსაც განუწყვეტლივ ჰქადაგებდა განსვენებული, შეთვისება და შეგნება იმ მაღალი რწმენისა და უმწიკვლო მიმართულებისა, რომლებიც შეადგენდნენ ნეტარსხენებულის ცხოვრების განსაკუთრებითი თვისებას — აი რაზედ უნდა გვექონდეს მიქცეული გაბრიელის სახელის მართლად პატივისმცემლებს ყურადღება, აი რითი უნდა ვამტკიცებდეთ განსვენებულის პატივისცემას, აი რა უნდა მიგვაჩნდეს მისი ხსენების უმაღლეს სამკაულად!

სამწუხაროდ, ამ მხრივ ვერ გავახარებთ განსვენებულის სულს. დღევანდელი ჩვენი ცხოვრების სახე არ მოწმობს იმაზედ, რომ ჩვენ ვიყვნეთ მიმდევარნი ღირსეული მღვდელთ-მოაზრის მოძღვრებისა, ჩვენი ჟრთ-ერთ შორის კავშირი და განწყობილება არ არიან აშენებულნი იმ საღმრთო ზნეობის მოვალეობაზედ, რომლის სიყვარული და მუდმივი ერთგულება ანდერძათ დაგვიტოვა საყვარელმა მქადაგებელმა...

მაგრამ საკმარისია! შევიგნოთ ახლა მაინც ჩვენი დანაშაული, მოვიდრიკოთ მუხლნი ამ დიდებული საფლავის წინ და, პატივისაცემლად სახელოვანი მღვდელთ-მთავრისა, დავდვათ მტკიცე აღთქმა, რომ ამიერიდგან თვითეული ჩვენგანი დაიდებს ზნეობრივ ვალად განისპეტაკოს გული და გონება იმ საღმრთო აზრებითა, რომლებსაც დღემუდამ ჰქადაგობდა განსვენებული და იქმნება მიმდევარი ყველა იმისა, „რავდენი არს ჭეშმარიტ, რავდენი პატიოსან, რავდენი მართალ, რავდენი წმიდა, რავდენი საყვარელ, რავდენი საქებელ, რავდენი სათნო და რავდენი ქებულ (ფილიპ. 4, 8). ვიქმნეთ დღეიდან არა მარტო მომხსენებელნი გაბრიელის სახელისა, არამედ მიმბაძენიც მისი სარწმუნოებისა. ამინ!“

ყოვლად სამღვდელოს მგრძნობიერმა სიტყვამ ბევრს თვალთავან ცრემლის ღვარი ადენია. ნათესავების და საზოგადოების გარდა წირვაზე და პანაშვიდზე დაესწრნენ ქუთაისის მაზრის უფროსი თავადი და ლეშკელიანი და სხვა.


პანაშვიდის გათავების შემდეგ, მათი მეუფება და მისი კრებული მიწვეული იყვნენ ჩაეხე და სადილზე მამა არქიმანდრიტის სერაფიონისაგან. ჩაეს მირთმევის შემდეგ ყოვლად სამღვდელომ დაათვალიერა დავით აღმაშენებლის სამლოცველო. აქ დეკანოზმა ლამბაშიძემ მოახსენა მათ მეუფებას ყველა ის, რაც უკვე სისრულეშია მოყვანილი და რაც უნდა გაკეთდეს ამ სამლოცველოს განახლების და დავით აღმაშენებლის საფლავის შემკობის შესახებ. ბოლოს მათმა მეუფებამ ნახა ბრინჯაოს ფიცრები რომელზედაც ოქროს ასოებით არის ამოკრილი წარწერილობანი და რომელნიც დავით აღმაშენებლის საფლავის ღოდის გვერდებზე იქნებიან დაკრული და მოიწონა.

ბოლოს მათმა მეუფებამ დაათვალიერა ყველა შენობანი მონასტერში და შესანიშნავი ძვირფასი ნივთეულობათა შესანახი საღარო. არა ერთხელ ჩამოუგდია ლაპარაკი მათ მეუფებას, ამ ძვირფასი ნივთების შეუფერებელ მდგომარეობის და დაცვის შესახებ. ყოველმა მნახველმა უთუოდ ხელი უნდა მოკიდოს ამ ნივთებს და გასინჯოს იგინი. ადვილი წარმოსადგენია, თუ რა მოუხერხებელია ერთად მრავალი ხალხის შესვლა პატარა ბნელ საღაროში, სადაც ეს ნივთებია განჯინაში დაცული და სათითაოდ ყველასაგან მათი ხელის მოკიდება და გაშინჯვა. მათი მეუფების აზრით, მაუცილებლად ძაჭირთა გაკეთება ესრეთ წოდებული „ვიტრინებისა“, რომ ყველას შეეძლოს ნივთის ნახვა ხელ-შეუხებლად. მაგრამ ის ადგილი, სადაც დღეს არის ეს ნივთები, მოუხერხებელია სიბნელისა და ამ საღაროს სივიწროისა გაიო. მათმა მეუფებამ დაათვალიერა თაღებზე აშენებული წმიდა ნიკოლოზის ეკლესია, რომელიც დასავლეთის მხრით არის მთავარი ეკლესიიდან და ნახა, რომ ეს ეკლესია იქნება სწორედ მშვენიერი ადგილი ყველა ძვირფასი ნივთების შესანახავად. აქ შეიძლება დაცვა არა თუ ამ მონასტრის ძვირფასი ნივთებისა, არამედ სხვა მონასტრებისაც. აქ, ამ ეკლესიაში მშვენიერად მოიწყობა ვიტრინები, ყველას ადვილად შეეძლება



გასინჯვა ნივთებისა ხელ შეუხლებლად და დაცულიც საიმედოდ იქნება. ძირა სართული ამა ეკკლესიისა, იქნება მოხერხებული დასაწყობი სხვა-და-სხვა ქვათა შესანიშნავი ქანდაკებით და წარწერილობებით. თუ ეს მშვენიერი აზრი მათი მეუფებისა სისრულეში მოვიდა, მაშინ ჩვენ, დასავლეთ-საქართველოის სამღვდლოებას და საზოგადოებას გვექმნება მშვენიერი მუზეი გელათის მონასტერში, სადაც მრავალი ნივთები მოთავსდება და ამის მოწყობა არც ბევრ ხარჯს მოითხოვს. სულით და გულით ვისურვებთ მათი მეუფების აზრის განხორციელებას — გელათში მუზეის დაარსების შესახებ. ამ მუზეის დაარსების შესახებ ჩვენ შემდეგში მოველაპარაკებით კიდევ მკითხველებს.

დევ. დ. ღამბაშიძე



## აწიან თუ არა ქართველ-კათოლიკენი?

(ხასუსი ბ. სარუსხანს)

გაკრძელება \*).

მეორე მგზავრი, რომელსაც იხსენიებს ბ. სარუსხანი თავისი აზრის დასამტკიცებლად, რომ ვითომ თფილისში არ იყვნენ ქართველნი კათოლიკენიო, არის ტურნეფორი. საჭიროა გავიხსენოთ, რომ ეს მგზავრი მოვიდა ერზერუდმიდამ, სადაც ცხოვრობდა სომეხთა შორის და მათგან შთავონებული ყოველივეს საქართველოში სომეხების თვალთ უცქეროდა. თუ რამდენად შეაცდინეს ეს მგზავრი სომეხებმა მათდა სასარგებლოდ, ამას აშკარად დავინახავთ შემდეგი მაგალითისაგან. ტურნეფორი იყო ტფილისში მე XVII საუკუნის დასაწყისში და თავის მგზავრობის აღწერაში შეიტანა ფრიად საგულისხმო სიტყვები: „Metropole

des arméniens s'appelle Sion“ <sup>1)</sup>. ამ სახით ქართველების სიონის ტაძარი მან გადაკეთა სომეხების საკათედრო ტაძრად, სომეხების მღვდელ-მთავარს უწოდებს „ტფილელს“, იმ სახელს, რომელიც ეკუთვნოდა ტფილისის ქართველ მიტროპოლიტებს. აი თუ გინდათ „ქეშმარიტება“!..

ეს კიდევ არაფერია, რომ ამ მგზავრმა წაართვა ქართველებს ძველი საკათედრო ტაძარი, რომელიც აღშენებულა მე-V საუკუნეში, იგი ქართველებს ამსგავსებს ველურ ხალხს. მისი სიტყვით ქართველებმა არ იცოდნენ არც სიგრიძის და წონის ზომა, მათ არ ჰქონდათ ფულები, მხოლოდ საქონელს სცვლიდნენ, ანგარიში იცოდნენ მხოლოდ ასამდე და სხვ. <sup>2)</sup> ეხლა შეუფარდეთ ამ მცირედ შეგნებული მგზავრის აზრი ადგილობით და უცხო მწერლების მოწმობათ იმავე დროის განმავლობაში, და თქვენ ნათლად დარწმუნდებით, თუ რა რწმენის ღირსია ტურნეფორი. იმ ხალხს, რომელსაც ტურნეფორამდე ჰქონდა თოთხმეტი საუკუნის ლიტერატურა, ჰქონდა ფულს მე-V საუკუნიდამ <sup>3)</sup>, ჰქონდა გაზღებული ვაჭრობა ჯერ კიდევ ქრისტეს დაბადებამდე, ასეთ ხალხს, ვიმეორებ, ტურნეფორი ადარებს ავსტრალიის დღეინდელ ველურ ხალხს, შეიძლება თუ არა, გკითხავთ, ასეთ მწერალს, რომელიც განგებ ფარავს ქეშმარიტებას, ერწმუნოს კაცი, რომ ტფილისში მის დროს იყო 500 სომეხი კათოლიკე, ხოლო ქალაქის 20,000 მცხოვრებთა შორის ქართველები იყო მარტო

<sup>1)</sup> Turnefort Leonrad. Relation d'un voyage du Levant fait par ordre du roi. Amsterdam 1718; II, 135. ეს სიონი აშენებულია „კლდეზე“, მტკეფას ნაპირზე, ე. ი. მისი სიტყვით სწახს, რომ სომეხების ვანქის ტაძარი იგივე სიონია, მისივე აზრით სიონი და მტკეფის ტაძარი ერთი და იგივეა: „La metropole des armeniens s'appelle Sion; elle est au delà du kur uu rocher escarpé.“

<sup>2)</sup> Touruefort, op, cit. II, 127.

<sup>3)</sup> იხ. ბასათფი. „ნუმიზმატიკური“ საბუთები საქართველს სსეფიას. Sanglois. Essai de la classification des suites monétaires dela Géorgie. ჩემი „ისტორიული აღწერილობანი ქართული სიტყვიერების ისტორიის“ შესახებ, გამ. I-II მ. და სხვ.

\*) იხ. „მწვემისი“ № 3 1901 წ.



3000, ხოლო სომხები 14,000. ტფილისის სატახტო ქალაქში მისი აზრით ქართველები ყოფილა 15<sup>0</sup>/<sub>6</sub>! ერთი სიტყვით, იმას რომ ეს დაუჯეროთ, მაშინ ჭეშმარიტებად უნდა ვაღვიათოთ ისიც, რომ სიონი ეკუთვნოდა სომხებს და ქართველებმა არ იცოდნენ სიგრძის და წონის ზომები: ვისაც აქვს ყური, ისმინოს...

მაგრამ ეს მცირედ შეგნებული მწერალიც არ უარ-ჰყოფს, რომ იყვნენ ქართველი კათოლიკეებიც. ერთ ადგილს იგი ამბობს: *Il y a quelques femmes mahometanes dans Tiflis, qui sont catholiques en secret et cellesla sont meilleures que les géorgiennes* (Relation და სხ., II, 135). მივანდოთ თვით ავტორს იმისი გასინჯვა, თუ რამდენად გულ-მოადგინედ იღებდენ კათოლიკეთა აღსარებას თათრის და ქართველი ქალები, მაგრამ მან ვერ მოახერხა გვერდი აეფლო და ამბობს, რომ იყვნენ ქართველი კათოლიკენიო, და რომ მართლა იყვნენ ქართველი კათოლიკენი, ეს ჩვენ დავინახეთ მრავალი უტყუარი საბუთები-დამ. მაშასადამე, ბ. სარუხანის მიერ ნამდვილი წყაროები ბევრად ანუ მცირედ მოწმობენ კათოლიკეთა აღსარების გავრცელებას ქართველთა შორის, ამიტომაც იგი, როგორც „მიუდგომლად გამსინჯი აღნიშნული კითხვისა, გვარწმუნებს, რომ ცნობილია მხოლოდ ერთი საბუთი, სადაც მოხსენებულია ერთი ქართველი გავლენიანი პირი, რომელსაც მიუღია კათოლიკეთა აღსარებაო“. ნებისითი თუ უნებლიეთია ეს ცდომილება? უცოდინანობა ცოდვა არ არისო, ამბობენ ქართველები, მაგრამ ჭეშმარიტების გქნზრახ დაფარვა, რომლის დსამტკიცებლად მან დამიწერა მე პასუხი, ანუ— ფაქტების განზრახ არევ-დარევა, მოკლედ რომ ესტქვათ, ძლიერ უსინდისო ხელობაა.

ნუ თუ კიდევ საეჭვოა ჩემ მიერ მოყვანილი ცნობების შემდეგ, რომ საქართველოს სამეფოს დროსაც იყვნენ რამდენიმე ქართველი კათოლიკენი, რომელთაც აქვნდათ საკუთარი ეკკლესია; საქართველოს მეფე შახ-ნავაზმა 1663 წელს მისცა მათ სახლი ეკკლესიისათვის, და როცა სომხებმა ეს ეკკლესია დააქციეს 1718 წელში, მაშინ კაპუცინებმა იწყეს მეორე ეკკლესიის შენება 1741 წელს და მოასრულეს იგი 1749 წ. ეს ეკკლესია დაანგრია სპარსეთის შაი აღა-მადომეტ-ხანმა 1795

წ. აწინდელი ქართველ-კათოლიკეთა ეკკლესია ტფილისში აშენებულია მე-XIX საუკუნის დამდეგს.

რასაკვირველია, რომ ქართველ-კათოლიკეთა ხან-და-ხან ზოგიერთი განსაცდელიც გამოსცადეს. ქართველი კათოლიკენი მეფე თეიმურაზ II-ის დროს ცოტა შევიწროებულ მდგომარეობაში ჩავარდნენ, ხოლო კაპუცინები განდევნილ იქმნენ საქართველოდამ, საბერძნეთის სამღვდლოების ზედგავლენით. საინტერესოა, რომ კაპუცინები დაბრუნებულ იქმნენ საქართველოში არა მარტო თეიმურაზის შვილის—ირაკლი II-ის დროს, არამედ თვით თეიმურაზის წერილში, რომელიც ნახულ იქმნა არქივში Propaganda Fide, სამი წლის შემდეგ კაპუცინების განდევნისა <sup>4</sup>), მიიქცა ახალციხეში pater ლეონარდისადმი თხოვნით, რომ მას გამოეგზავნა საქართველოში კათოლიკეთა ერთი რომელიმე მქადაგებელი ქართველ-კათოლიკეთა სამწყსოის სულიერ მოთხოვნილებათა დასაკმაყოფილებლად. კითხვა მქადაგებელთა დაჯილდოების შესახებ წართმეულ ეკკლესიების გამო აღძრულ იქმნა არა ამ საუკუნის დამდეგს, როგორც ფიქრობს ბ. სარუხანი, არამედ ჯერ კიდევ საქართველოს მეფეების ირაკლი II და გიორგი XII დროს, რომელნიც პირდებოდნენ ზარალის აღდგენას. სამეფოს ხაზინის ფინანსიური გაჭირვება იყო მიზეზი, რომ ეს კითხვა სასურველად არ გადაწყდა.

არც დრო და არც ადგილი ნებას არ გვაძლევენ გავსინჯოთ ყველა ის შემცდარი ცნობები, რომელნიც მოთავსებულია ბ. სარუხანის წერილში. მაგრამ ზოგიერთი ამ ცნობათაგან იმდენად შემცდარია, რომ უსათუოდ ითხოვს განხილვას. სარუხანს უტყუარად მიაჩნია პირველად, ვითომ საქართველოს ქალაქების უმეტესი მცხოვრებნი იყვნენ სომხები და მეორედ ის, რომ კათოლიკეთა აღსარების ქადაგება გავრცელებული

<sup>4</sup>) კაპუცინებს, ფიქრობს ბ. სარუხანი, აქვნდათ ეკკლესია ქ. გარში 1640 წ. მაგრამ ამ წელში გარში იყვნენ არა კაპუცინები, არამედ „თეათონკები“ და „აგუსტინცი“. უკანასკნელი მოვიდნენ საქართველოში ხვასკეთიდან საქართველოს დედაფლის—მწამის ქუთავანის წმ. ნაწილების მსგევნების დროს.



იყო მხოლოდ ქალაქებში. ეს ბ. სარუხანის აზრით „შეურყეველი ფაქტები“ სრულიად მოკლებულნი არიან ქეშმარიტებას.

ბ. სარუხანი, ეხება რა ჩემს წერილს „სომხების მდგომარეობა საქართველოს სამეფოში“ და პლატონ იოსელიანის „ქალაქები, რომელნიც არსებობდნენ საქართველოში“, სხვა მოწმობათა ერთად, გამოჰყავს, რომ ქალაქები სავსენი იყვნენ სომხებით ჯერ კიდევ მე-V საუკუნეში. ავტორს ძლიერ დიდი დასკვნა გამოჰყავს იმ განცხადებისაგან, რომ სომხებმა იწყებს გადმოსახლება საქართველოში ჯერ კიდევ მე-V საუკუნიდამ. ებრაელების გადმოსახლება საქართველოში იწყება რამდენიმე ხნით ადრე ქრისტეს დაბადებამდე და ამის შესახებ არა ერთ გზისაა ნათქვამი, მაგრამ დღემდე ჯერ არავის მოსვლია თავში ეთქვა, რომ ძველი საქართველოს ქალაქების უპირატესი მცხოვრებნი იყვნენ ებრაელები. მცირე რიცხვი სომხებისა და ებრაელებისა მოდიოდნენ საქართველოში ძველის დროიდან, ხოლო ძლიერი გადმოსახლება სომხებისა იწყება XVII საუკუნიდგან შაჰ-აბასის და შაჰ-ნადირის დროიდან. შემდეგში მეფე ირაკლიმ გადმოასახლა სომხები ერევნიდამ, ხოლო ამ საუკუნის დასაწყისში გრაფმა პასკევიჩმა მოუწოდა სომხებს საქართველოში ერზერუმიდამ. რაც შეეხება დასავლეთ საქართველოს, სომხები არას დროს არ ყოფილან იქ ბევრი. არიან ქუთაისის გუბერნიაში ქალაქები, სადაც სომხები იყვნენ და დღესაც არიან ძლიერ მცირე ნაწილი 1<sup>0</sup>/<sub>10</sub> 5). მაშასადამე, შეიძლება თუ არა ითქვას, რომ „კათოლიკეთა აღსარებაზე მოქცეულნი თითქმის ყველანი ქალაქების მცხოვრებნი იყვნენ და საქართველოს ქალაქების მცხოვრებთა უმეტესობას სომხები შეადგენდნენო?!

ა. ხახანაშვილი.

(შემდეგი იქნება)



5) სია მოსწავლეთა რამის კოლლეგიუმში ამის საკმაოდ ამტკიცებს.

იმაერთის მაკარჩიის სამღვდლოების დამკუთბათების კრება ქუთაისში 15 დეკემბერს 1900 წ.

გაგრძელება \*)

18 დეკემბერს სამღვდლოების კრებამ განიხილა წინადადება ქუთაისის ოთხ-კლასიანი სასულიერო სასწავლებლის სამართველოისა სასწავლებლის დღევანდელ მდგომარეობაზე და მოსაზრება ამავე სამართველოისა შესახებ სასწავლებლის გაყოფისა. მოხსენება სასწავლებლის სამართველოისა მეტისმეტად გრძელი და ვრცელი იყო და დიდი დროც მოითხოვა მისმა წაკითხვამ. სასწავლებლის მოხსენება ატყობინებდა სამღვდლოებს, რომ შენობა სასწავლებლისა მეტის მეტად უვარგისია, ძირა სართულში, სადაც მოსამზადებელი კლასებია, ოთახები ნესტიანია და სინათლე მარტო ერთი გვერდიდან ანათებს ოთახებში, ფანჯრები თითქმის ყველა ოთახებში ვიწროა და არც ერთი მათგანი არ აკმაყოფილებს პედაგოგიურ მოთხოვნილებას, „კორიდორი“ ოთახებ შიგნით არის და გრძელ კორიდორს შავირდების გასასეირნებლად მარტო ერთი ფანჯრიდგან შემოდის სინათლეო. როცა ფანჯარა აქვს გაღებული ამ კორიდორს, გამსჭვერი ქარი ჰქრის და ეს მავნებელია მოწაფეთა ჯანთმრთელობისათვისო. სასწავლებლის კედელი გახსნილია და მისი რივიანად დამაგრება დიდ ხარჯს ითხოვსო. ფეხის ადგილი არის მეტის მეტად შეუფერებელ ადგილას და რადგან არ იწმინდება, მეტის-მეტი ცუდი სუნი ტრიალებს სასწავლებლის ეზოში სამხრეთის მხრითო. მოხსენებას დაუწუნებელი არ დაუტოვებია არც სასწავლებლის საავადმყოფო. რაიცა შეეხება სასწავლებლის ეკლესიას, ის ხომ სულ უვარგისად ჩაუთვლია. სასწავლებლის სამართველოის ანგარიშში იყო დაწვრილებით მოყვანილი ხუროთ მოძღვრების აზრი სასწავლებლის მდგომარეობის შესახებ. სინოდალნი კანტორის ხუროთ-მოძღვარი, ბ. ბილფელდი ამტკიცებდა, რომ სასწავლებლის მდგომარეობა მაგდენად საშიში არ არისო და არც ეკლესია არის მაინც და მაინც ისე საშიშო მდგო-

\*) იხ. „მწყემსი“ № 3. 1901 წ.



მარეობაში, რომ იმაში სიარული და მღვდელ-მოქმედების შესრულება არ შეიძლებოდა. ქუთაისის გუბერნიის სამმართველოს მხრით დანიშნული სამი ხუროთ-მოძღვარი, რომელნიც სასწავლებლის სამმართველოს თხოვნით იქმნენ დანიშნულნი, ამტკიცებენ, რომ აღმოსავლეთით სასწავლებელს შენობა უნდა გაუკეთდეს, რომ ეს კედელი დამაგრდესო და ამ ახალს შენობაში მოთავსდება ეკკლესიაცაო. ამასთან მოსამზადებელი კლასებისათვის უთუოდ ცალკე ფლიგელი უნდა აშენდესო და ხარჯი ამ ორი შენობისათვის თითქმის სამოცი-ათას მანეთზე მეტი ითხოვებოდა. ამისათვის სასწავლებლის სამმართველო ურჩევდა სამღვდელოებს, რომ ეს სასწავლებელი გაეყო და ამ შენობათა ხარჯიდან თავი განეთავისუფლებინა, რადგან თუ სასწავლებელი გაეყო, მაშინ აღარც მოსამზადებელი კლასები იქნებოდა საჭირო და ერთ ეკკლესიაში ადვილად მოთავსდებოდნენ დანარჩენი მოსწავლენი. მაშინ ზედამხედველებს და ზოგიერთ მასწავლებლებსაც ბინა სასწავლებელში ექნებოდათო. წინააღმდეგ შემთხვევაში ყველაფერი უნდა გადაკეთდეს, ეკკლესიაც უნდა აშენდეს და მოსამზადებელი კლასებისთვის ცალკე ფლიგელიც უნდა გაკეთდესო...

კრებამ, როგორც იქნა, ერთ სხდომაზე მოისმინა ეს გრძელი მოხსენება. ჩამოვარდა სიჩუმე.

თავსმჯდომარე. რას ბრძანებთ, მამანო დებუტატო, ამ მოხსენების შესახებ? რომ წესიერება იქნეს დაცული, გახზოთ გვიბრძანოთ ვის გნებავს ამ კითხვაზე ლაპარაკი, მე დავნიშნავ მათ სახელს და მერე რიგისამებრ ბრძანეთ.

დაინიშნენ რამდენიმე დებუტატები და რიგზე იწყეს სიტყვა.

დეკ. დ. ღამბაშიძე. ნეტავი იმ დებუტატს, რომელიც ამ კრებაზე პირველად ესწრება და არ იცის ამ სასწავლებლის ძველი დროის ყველა თავ-გადასავალი! ნეტავი იმას, რომელმაც არ იცის არც ამ სასწავლებლის გადაკეთ-გადმოკეთება, არც ფენის-ადგილის და საავადმყოფოს სახლების აშენების ისტორია და მათზე მოხდენილი ხარჯი და სხვანი; ასეთი დებუტატები გულ-გრილად მოისმენენ ამ უშველებელ მოხსენებას, ამ ჩვენი ერთად ერთი სასწავლებლის სხვანაირად გადაკეთების შესახებ. მაგრამ მე უნდა მოვახსენო კრებას, რომ სასწავლებლის მოხსენებამ მეტის-მეტი ცუდი შთაბეჭდი-

ლება მოახდინა ჩემზე. ამ მოხსენებამ მე მომაგონა ის დრო, როცა ჩვენ მოსამზადებელი კლასებისათვის ორი ათას მანეთად ცალკე შენობას ვაკეთებდით სასწავლებლის ეზოშივე და სამუდამოთ უზრუნველ ვიქნებოდით. მაგრამ მაშინ არ დაგვიჯერეს, სამღვდელოების კრების აზრის და გარდაწყვეტილების წინააღმდეგ ოთხი საღუქნე ოთახი დაგვაქირავებინეს სილაზე, ქუთაისის საპატრიარქო სახლის ახლო სამი წლით ათას რუბლს მანეთად. ამ ნაირად ჩვენი ფული თითქმის აჩუქეს ერთ პირს! ნაცვლად იმისა, რომ შეცდომა გაესწორებინათ, არ დაუჯერეს სამღვდელოებს, გამოუთხარეს ძირი სასწავლებელს და აქ გამოაშენეს მოსამზადებელი კლასებისათვის ოთახები ანუ, უკეთ რომ ვსთქვათ, სარდაფები. ფიქრობდნენ, რომ სამღვდელოებს დიდი საქმე გაუკეთეს, მაგრამ ამ შენობის გაკეთებით და სასწავლებლის საფუძვლის გამოთხრით, სასწავლებლის კედელი გასქდა და შეინძრა და იმან კარგა ზარალი მისცა სასწავლებელს და ეხლაც კიდევ მეტი ეთხოვება. სამღვდელოების აზრის წინააღმდეგ დაიწყეს და გააკეთეს ფენის-ადგილი. ხუროთ მოძღვარის აფიშკოვისათვის ცოტა ფულები არ მიუციათ ამ ფენის ადგილის გაკეთებისათვის და სამმართველოს პირობაც ჩამოურთმევია, რომ თუ ეს ფენის ადგილი არ გამოდგეს, ან ქალაქის თვით-მმართველობამ დაგვიწუნოსთ და მილის გაყვანის ნება არ მოგცესთ, ამდენი და ამდენი ფულები, ხარჯი და ზარალი მე გიზლოთო. ეს ხელწერილი დღესაც ხელში უკავია სასწავლებლის მმართველობას, მაგრამ რა გამოუდისთ? სრულებით არაფერი. რამდენი ზედამხედველი მოვიდა თავისი ხუროთ-მოძღვრობა სწორედ სასწავლებლის საავადმყოფო სახლის აშენებაზე გამოიჩინა, ერთი ზედამხედველი რომ გააკეთებდა, მეორე სულ სხვანაირად აკეთებდა და ახლა არც ერთის გაკეთებული აღარ გამოდგა. მოხსენებას სამღვდელოება გამოჰყავს თითქმის დამნაშავედ, როდესაც ყველა ის, რაც გაკეთებულა ცუდათ, სამღვდელოების უნებურად კეთდებოდა მისი ხარჯით და დღეს კიდევ წინააღმდეგა ეძლევა კარგად არ გაგიკეთებიათ და ეხლა ხელ-ახლა გააკეთეთო. ფანჯრები ვიწრო აქეს და არ ვარგაო და არც კარიდორი უვარგაო. მოხსენების დამწერთ არ იციან ალბათ, რომ სასწავლებლის სახლის გეგმა სინოდისაგან არის შედგენილი, დამტკიცებული და მოწონებული და არა ჩვენგან. ამისა-



თვის, ნაკლულევანება თუ რამეა აქ და ცუდათ არის გაკეთებული, ეს ჩვენი ბრალი კი არ არის, არამედ იმათი ბრალია, რომელთაც სამღვდელოების დაუკითხავად ვააკეთეს და გააფუჭეს.

რაიცა შეეხება სასწავლებლის გაყოფას, მაგაზე თვითონ მე აღმიძრავს კითხვა ბევრჯერ, მაგრამ ამ კითხვის რიგიანად გადაწყვეტას არა ელირსა რა. ამ კითხვის გადაწყვეტა კრებაზე ძნელია. ეს კითხვა ყოველის მხრით უნდა იქმნეს შემუშავებული კომისიისაგან. მე ვფიქრობ, რომ გადაკეთებას და ახალ შენობათა საქმეებს რომ სამღვდელოების კრება კამისიას მიანდობდეს, უმჯობესი იქნება. როცა კამისია ყველა საჭირო ცნობებს შეჭკრებს, მოწვეული იქნება საგანგებო კრება და მაშინ შეიძლება გადაწყდეს სასწავლებლის გაყოფა“.

მოითხოვეს სიტყვის თქმა სხვა დებუტატებმაც, მაგრამ, სამწუხაროდ, როგორც ეს ჩვეულებად აქვსთ ზოგიერთ დებუტატებს, საგანზე კი არ დაიწყეს სიტყვა, არამედ კრიტიკულად გაარჩიეს დეკ. დ. ლამბაშიძის სიტყვები. დიდის ჭაპან წყვეტით ამტკიცებდნენ, რომ ფანჯრები სასწავლებელს არ უფარვა და ძირა სართულში ოთახები მოსამზადებელი კლასების მართლა არ ვარგაო და სხვა ამისთანაები. ამ უბრალო პოლემიკურმა ლაპარაკმა ძლიერ ბევრი დრო დააკარგინა კრებას.

დეკ. დ. დ—ძე. იმ ნაირი სჯა, როგორსაც ჩვენ ამ კრებაზე ვსმენთ, არაერთარ ნაყოფს არ მოიტანს. მეც ვეთანხმები მამა მჭედლიძეს და ზოგს სხვებსაც, რომ უკეთესი იქნება სასწავლებლის სახლი დიდი და ფართო ფანჯრებიანი და პედაგოგის მოთხოვნილებებისამებრ მოწყობილი იყოს. მაგრამ გვაქვს შეძლება ამისთვის? ამას წინეთ ფული რომ არ იყო, მოსამზადებელი კლასების ხარჯი მთლად იმ მოსწავლეთა მშობლებს დავაკისრეთ, ვინც მათში სწავლობდა. ჯერ წყარო უნდა გამონახოს კაცმა გადაკეთებისათვის საჭირო ხარჯის დასაფარავად და მერე ვიწრო კარები და ფანჯრები გაათართოვოს. მე დარწმუნებული ვარ, რომ ზოგიერთები ილაპარაკებენ იმ დრომდე, სანამ არ დაიღლებიან და სხვათაც არ დალაღვენ და ბოლოს გადაკეთებაზედაც და გაყოფაზედაც უარს იტყვიან და ამით გათავდება საქმე.

ამ სიტყვის შემდეგ დეკ. დ. ლამბაშიძეს სრულებით აღარ მიუღია მონაწილეობა კრებაში ამ


კითხვის შესახებ. დიდი ხნის ბაასის შემდეგ, ეს კითხვა მეორე დღისათვის გადიდდა.

მეორე დღეს კიდევ ამავე საგანზე დიდხანს ჰქონდა ბაასი კრებას, მაგრამ სამმართველოს წინადადება შემდეგი კრებისათვის გადიდვა გადასაწყვეტად. სამღვდელოების მომავალ კრებამდე ყოველივე ისე დარჩეს, როგორც დღეს არისო. სამწუხაროდ დროც ბევრი დაიკარგა და არც არაფერი გაკეთებულა.


დეკ. დ. ლამბაშიძე თავის აზრზე დადგა და არ მიემხრო კრების აზრს. მოგვყავს აქვე ზოგიერთი ადგილი მის მოსაზრებათაგან, რომელნიც მან მათ მეუფებას წერილობით მიართვა: „იმერეთის ეპარქიაში, ოთხ მაზრაში მხოლოდ ერთად-ერთი ოთხ-კლასიანი სასწავლებელია, როდესაც სხვა ეპარქიებში თითოეულ მაზრაში თითო ასეთი სასწავლებელია. რასაკვირველია ბევრი იქნება მოსწავლენი სასწავლებელში, როცა ოთხი მაზრის სამღვდელოებას აქ მოჰყავს ბავშვები სასწავლებლად. ეს კიდევ არაფერია. აქ მოსამზადებელ კლასებში სამასი ბავშვია. მოსამზადებელი კლასების შენახვა ან მათი სრულებით დახურვა სამღვდელოებაზე დამოკიდებული. ჩვენ რომ მოსამზადებელი კლასების შენახვა არ გვაწუხებდეს, მაშინ სასწავლებელს ადვილად მოუარდით, მაგრამ მოსამზადებელი კლასები მთელს სასწავლებლის საქმეს აბრკოლებენ. სამღვდელოებას ჰგონია, რომ იგი მოგებულია მოსამზადებელ კლასში ბავშვის მიცემით. ბევრად იაფად დაუჯდება ბავშვის გარედ მომზადება, ვინემ სასწავლებელში. სამღვდელოებამ უთუოდ უნდა მოიფიქროს მოსამზადებელი კლასების შესახებ. ჩვენის აზრით ბევრად აჯობებს მოსამზადებელი კლასები გაეხსნათ რაჭისა და შორაპნის მაზრებში. შენახვა ამ სკოლების, თუ მათ თავის ხარჯზე გახსნის სამღვდელოება, ბევრად ნაკლები დაჯდება, ვინემ ეხლა ჯდება იგინი. მაგრამ ყოველივე შემთხვევაში საჭიროა კამისიის დანიშვნა, რომელსაც ექმნება მინდობილი გამოკვლევა ყველა კითხვებისა შესახებ ამ სასწავლებლის გაყოფისა და ან მოსამზადებელი კლასების გადატანისა მაზრებში და სხვანი“.

დამსწრე.

(გაკრძელება იქნება).







† თავადი რაფიელ დავითის ძე ერისთავი.

კიდევ ერთი მოღვაწეთაგანი მოაკლდა ქართველ მწერალთა გუნდს. თავადი რაფიელ ერისთავი გარდაიცვალა 19 თებერვალს. განსვენებული დაიბადა 1824 წელში 9 აპრილს, მაშასადამე ის გარდაცვლილა დაბადებიდან 78 წლისა. განსვენებული თავისმა მშობლებმა პირველად სასწავლებლად მიაბარეს შიო-მღვიმის მონასტერში. შემდეგ რუსული ენის სასწავლებლად მიაბარეს იგი გორში ერთ რუსის მოხელეს. ბოლოს ყმაწვილი თბილისის კეთილ-შობილთა დღევანდელს პირველ კლასიკურ გიმნაზიაში მიაბარეს სასწავლებლად. განსვენებულმა დაასრულა სწავლა ამ სასწავლებელში, მაგრამ თვალების სნეულებისა გამო მაღალ სასწავლებელში აღარ წასულა და შევიდა იგი სამსახურში. პირველად დაინიშნა თარჯიმნად თუშ-ფშავ-ხევსურეთის ოლქის სასამართლოში და ამ ადგილზე ორ წლამდე იმსახურა. ამ დროიდან გამოიჩინა რაფიელმა ლექსების წერის ნიჭი. თუშ-ფშავ-ხევსურეთიდან თბილისში გადმოვიდა რაფიელი და მთავარ-მართველის კანცელარიაში შევიდა მოსამსახურედ. აქ ორ წლამდე თავად ბებუთოვის ხელ-ქვევით სტოლის უფროსად იყო. თფილისიდან ქუთაისში გადავიდა სამსახურში, სადაც ამ დროს გუბერნატორად იყო რაფიელის კარგი ნაცნობი თავადი ივანე მუხრანსკი. თ. ივანე მუხრანსკის შემდეგ გუბერნატორად დაინიშნა კოლუბიაკინი და ამან უმეტესი ყურადღება მიაქცია რაფიელ ერისთავს, როგორც ნიჭიერ კაცს. ბოლოს რაფიელი დაინიშნა ზუგდიდის მაზრის უფროსად. რაფიელი თანამდებობას ხშირად იცვლიდა. როცა ახალი სასამართლოები გაიხსნა, მაშინ ქუთაისის მომრიგებელ-მოსამართლედ დაინიშნა და ამ თანამდებობაზე მსახურებდა 1870 წლამდე. 1870 წლიდან თ. რაფიელი თფილისში ვეჭილობდა 1881 წლამდე. ბოლოს ვეჭილობასაც თავი დაანება და აღარსად არ მსახურებდა. მაგრამ ეკონომიურმა მდგომარეობამ მაიც აიძულა იგი, რომ ამ ბოლოს დროს სამსახურში შესულიყო და ქართული ენის ცენზორობა აირჩია და დაინიშნა კიდევ ლუკა ისარლოვის შემდეგ. ამ თანამდებობას, დიდი ხანია, რაც განსვენებულმა თავი დაანება და პენ-

სიით სცხოვრებდა დღემდე. თ. რაფიელ ერისთავი სამსახურის დროს არ ანებებდა თავს ლიტერატურულ მოღვაწეობას. მისი კალამი სალიტერატურო შრომისა და წერისათვის არსოდეს არ შეჩერებულა. სხვა-და-სხვა თანამდებობის აღსრულების დროს ის ყოველთვის იცლიდა წერისათვის და ნიადაგ სამსახურს უწევდა სამშობლოს. ლიტერატურული შრომითა და მოღვაწეობით რაფიელ ერისთავს ჩვენში თითქმის ყველა იცნობს და ამიტომ საჭიროდ აღარ ვთვლით მისი ნაწარმოების ჩამოთვლას. საუკუნოდ იყოს შენი ხსენება, ერთგულო მამულის შეილო!..

† მღვდელი პეტრე ჩარკვიელი.

31 იანვარს ამა წლისა გარდაიცვალა მოძღვართ-მოძღვარი, შტატ გარეშე მყოფი, სოფელ კონთუათის მაცხოვრის ეკლესიის მღვდელ მამა პეტრე ჩარკვიელი და სამ თებერვალს დასაფლავდეს; განსვენებული შობილამ იყო 78 წლისა. მიუხედავად იმისა, რომ ამინდი ცუდი იყო განსვენების დღეს, ხალხი ბლომად დაესწრო. მრევლმა ნიშნად პატივის ცემისა გვირგვინი უძღვნა თავის მოძღვარს. ბევრი ცრემლი დაიღვარა განსვენებულის დასაფლავებაზე. დამსწრე ხალხი გულ-მომწვავად სტიროდა. ეტყობოდა, რომ მამა პეტრეს სიყვარული და პატივის ცემა ჰქონდა დამსახურებული მრევლისაგან თავისი სიმართლით და პატიოსნებით. და, მართლაც, მამა პეტრე თავისი სიმართლით, თავისი მუშაობით და პირდაპირი ხასიათით ცნობილი იყო და სასულიერო მთავრობასაც იგი ერთგული სამსახურისათვის დაჯილდოებული ჰყავდა ნაბედრენიკითა, სკუფიითა, კამილავეკითა და მკერდის ოქროს ჯვრითა; ბოლო ორმოცდა ათი წლის უბიწო სამსახურისათვის მღვდელობის ხარისხში იგი დაჯილდოვებულ იქნა ვლადიმირის მეოთხე ხარისხის ორდენითა.

მშვიდობით, მამაო პეტრე! შენს სახელს ყოველთვის მწუხარებით და პატივის ცემით მოიხსენებს ყველა ის, ვინც შენ გიცნობდა. მშვიდობით, საუკუნოდ იყოს ხსენება შენი, პატიოსანო მღვდლო და დაუღალავო მუშაკო!..

იოსებ ათ. ლომია.



### ჟურნალ-გაზეთებიდან.

ირლანდიურ ჟურნალ „ირიმ ფრიმანა“-ში და-  
ბეჭდილია შემდეგი ცნობები შესახებ სამხრეთ-აფ-  
რიკის ომისა:

„ინგლისი ისეთი სვაფი იყო, რომელიც აქამდე  
ჯერ ათჯერ გაზომავდა ხოლმე ძვალსა და მერე  
ისე ჰყლაპავდა. მაგრამ რამდენიმე ხანია მას აქეთ,  
რაც ქვეყნის მართვა-გამგეობა ჩემბერლენს და მის  
მომხრეებს ჩაუვარდათ ხელში. ინგლისმა ხელი აიღო  
ამ ჩვეულ სიფრთხილეზე და გაუზომავად მოინდომა  
სამხრეთ-აფრიკის რესპუბლიკების გადაყლაპვა. ეგო-  
ნა, რომ ერთი ყლაპით მოუღებდა ამათ ბოლოს,  
მაგრამ ძვალი ყელზე დაადგა და ისე მაგრადაც დაა-  
და, რომ ლამის დაახრჩოს. რასაკვირველია, რომ  
გაჭირვებულდეს ეს დიდი სვაფი, ბოლოს და ბო-  
ლოს, გადაჰყლაპავს ბურებს, მით უმეტეს, რომ  
ევროპის სხვა დიდი სვაფებიც ყურს არ იბერტყენ  
ამ ინგლისელი სვაფის უდიერ ქცევის გამო; იმათ  
თითონაც ბევრი ამნაირივე საქმეები აქეთ თავში  
საცემად გამხდარი და სადა სცალიანთ საიმისოთ,  
რომ ვიღაცა ბურებს უშველონ; ასე რომ ბურებს  
მხოლოდ თავიანთი იმედიღა უნდა ჰქონდეთ. თუმცა  
ბურებმა ბევრი სასწაული მოახდინეს, მაგრამ ჩვენ  
მანც იმედი არა გვაქვს, რომ იმათ საბოლოოდ  
გაიმარჯვონ. მაგრამ საქმე იმაშია, რომ მალე გა-  
თავდება ეს უმაგალითო ბრძოლა პაწია ერისა დიდ,  
მძლავრ ინგლისთან—თუ არა? ინგლისურის ცნო-  
ბების მიხედვით, საცაა ბოლო უნდა მოელოთ ბუ-  
რებს, მაგრამ ასეა ნამდვილად? ჯერ კიდევ საბედ-  
ნიერ-დღეოდ ჩემბერლენი თავისი დამქაშებით დე-  
პეშებს დეპეშებზე უგზავნიდა ლორდს კიტჩინერს,  
რა დაგემართა მტრის გულისად ნუ გვხდის, ერთი  
მანც გაიმარჯვებო; ხოლო ამ მტრების რიცხვს,  
როგორც ვიცით, შინ თუ გარედ, თვლა არა აქვსო.  
გარეშე მტრები, სწორედ უნდა ვაღიაროთ, უძლუ-  
რები გამოდგნენ. წელიწად-ნახევარია, რაც ჩურ-  
ჩურ-კურკული აქვთ—ამ ზღვის ლომს, დროა, ეჟ-  
ვანი შევაბათო, მაგრამ აქნობამდის შემბმელი არა-  
ვინ გამოსულა. ინგლისის მთავრობა უფრო შინაურ  
მტრებს ერიდება. მართალია დიდი უმეტესობა ჰყავს  
პარლამენტში, მაგრამ ვინ იცის, რას იხამს ეს უმე-  
ტესობა, როცა დაიწყება კამათები 1901 წლისათ-

ვის საჭირო ხარჯების შესახებ, მეტადვე მაშინ,  
როდესაც მთავრობა მოითხოვს ახალს ხარჯს, რო-  
გორც ამბობენ, 70 მილიონ გირვანქა სტერლინგს,  
სამხრეთ-აფრიკის ომის ვითომ და დასამთავრებლად.  
ბოლო დროს ისე მიდიოდა ამ ომის საქმე, რომ  
სწორედ არავის სჯეროდა, ექნება მას როდისმე  
დასასრული თუ არა. აი სწორედ პარლამენტის და-  
სარწმუნებლად, რომ ომი მალე იქნება გათავებული,  
რომ ბურები უკანასკნელს დღეში არიან, იგზავნება  
ამ ბოლო დროს გამოცხადებული დეპეშებ, გამარ-  
ჯვება თუ ძნელია, დეპეშის შედგენა ხომ ადვილია  
და ჩვენ ხელთაც არისო. გასინჯეთ და დაუკვირდით  
დეპეშების შინაარსს: ბურებს ამდენ-ამდენი ცხვარი,  
ქროხა და ხარი წავართვითო. ვანა ბურები მწყემ-  
სები არიან? რად უნდა დევეტს ან ბოტას 155  
ცხვარი? შემდეგ, დევეტს 300 კაციღა დარჩაო,  
დანარჩენი რაღა იქნა, ამაზედ დეპეშა აღარას ამ-  
ბობს. დამარცხებაზედ ვერას ვიტყვით, რადგანაც  
დევეტი და ბოტა ხომ ნიადაგ დამარცხებულები არ  
იქნებიან. მაგრამ ბოტასაგან მორჩილების გამოცხა-  
დება დასაჯერი არ არის, სინამ ინგლისის მთავრო-  
ბა ოფიციალურად არ გამოაცხადებს ამ ცნობას.  
დევეტის შესახებ ბევრჯელ უარესი დეპეშებიც მო-  
სულა, ის სამჯერ მოკლეს კიდევ, მაგრამ ნამდვი-  
ლად დევეტი დღესაც ცუდ დღეს აყენებს ინგლი-  
სელებს. ჩვენ იმედი გვაქვს, რომ დევეტი თავის  
რაზმით ჯერ კიდევ ბევრჯელ აძახებინებს ინგლი-  
სელებს: „ატატა“, სული მოვიდა ყელშია“. ომის  
გათავებას ნურავინ ახსენებს, სანამ პრეტორიას ახ-  
ლოს შესაძლებელი იქნება მთავარ სარდლის მატა-  
რებლის აფეთქება და იმისი ბაგაჟის წართმევა და  
სინამ დევეტს თავის რაზმით სულ მთლად ხელში  
არ ჩაიგდებენ. ასეა თუ ისე, ომს ჯერ კიდევ დასა-  
სრული არ უჩანს; ჯერ კიდევ ბევრი გირვანქა  
სტერლინგი წაუვა ინგლისს ამ ომზედ და ჯერ კი-  
დევ ბევრი ინგლისელი გამოესალმება წუთი-სო-  
ფელს სამხრეთ-აფრიკაში.



ოთხშაბათს, 14 თებერვალს, მთხოვნელების მიღების დღეს, მინისტრი მივიდა სამინისტროში პირველ საათზე და შევიდა თავს კაბინეტში. მისაღებ ზალაში კარგა ძალი ხალხი იყო. მიმდინარე საქმეების მოსმენის შემდეგ მინისტრი გამოვიდა ზალაში, ჩამოუარა მთხოვნელებს და თითოეულ მათგანს გამოელაპარაკა. მინისტრს უკან მოსდევდა მორიგი მოხელე. ზალის კარებთან იდგა ეკზეკუტორის თანაშემწე, კაბინეტის კარებთან ორი კურიერი. როცა ბ. ბოგოლეზოვი ერთ მთხოვნელთაგანს ელაპარაკებოდა, ეკზეკუტორის თანაშემწესთან მივიდა ლარიბად ჩაცმული ახალ-გაზდა კაცი, უწოდა თავის თავს კარპოვიჩი და თქვა, რომ მას სურს მისცეს მინისტრს თხოვნა შესახებ ტეხნოლოგიურ ინსტიტუტში შესვლისა და აუხსნას მას პირადად თავის საქმის გარემოება. ამის შემდეგ იგი შეუშვეს ზალაში და გვერდით დაუდგა ჩერნიგოვის ქალაქის თავს ბ. რუდინს. მინისტრი მივიდა რუდინთან და დიდ ხანს ელაპარაკა მას. კარპოვიჩი ამ დროს რუდინის ზურგს უკან იდგა და, გარეგანის შეხედულებით, ყურადღებას სრულებით არაფერს აქცევდა. როდესაც მინისტრმა გაათავა ლაპარაკი რუდინთან, გამოეთხოვა მას და აპირებდა კარპოვიჩთან მისვლას, კარპოვიჩმა რევოლვერი გაისროლა. ტყვიამ რუდინს ყურთან გაუარა. მინისტრი, რომელიც სულ ახლო იყო კარპოვიჩთან, წაბარბაცდა და წაიქცა: ტყვია კისრის მარჯვენა ნაწილში მოხვედროდა. ასტყდა ალიაქოთი. მინისტრის მოკვლის განზრახვა უცბად შეიტყო მთელმა სამინისტრომ. გულ-შეწუხებულ მინისტრს მისცივდნენ ზალაში მყოფნი და აგრეთვე მინისტრის ამხანაგი დი დებარტამენტის დირექტორი, რომელიც რევოლვერის დაცლის დროს ახლო კაბინეტებში იყვნენ. დამსწრეთა შორის აღმოჩნდა ორი ექიმიც — ზალესკი და სოლოვიოვი, რომელთაც აღმოუჩინეს მინისტრს პირველი შემწეობა.

მინისტრი ფრთხილად აიყვანეს და გადიტანეს მის კაბინეტში — სადაც იგი დააწვინეს დივანზედ. ხირურგები ტელეფონით მიიწვიეს. დამნაშავე შეიპყრო ეკზეკუტორის თანაშემწემ, რომელსაც გამოუცხადა, რომ მას იარაღი არ აქვს, მართლაც მას ვერაფერი იარაღი უბოვნეს, რადგან რევოლვერი იქვე იატაკზედ ეგდო მის თხოვნასთან ერთად. როგორ გაისროლა რევოლვერი, არავის დაუხახავს,

რადგან მის წინ ჩამოფარებული იყო მოხელე, რომელიც მინისტრს უკან მოსდევდა. ეს ამბავი მაშინვე აცნობეს ტელეფონით შინაგან საქმეთა და იუსტიციის მინისტრებს. ამასობაში მოვიდნენ ექიმებიც — ზვორიკინი, სკლიფასოვსკი, ცეილდერი, ბრაჟნიკოვი და სხვები და შეუხვიეს მინისტრს კრილობა. უახლოვდელს სასანიტარო პუნქტიდან მოიყვანეს სასანიტარო ეტლი და ავადმყოფი წაიყვანეს სახლში ნაშუადღევს ხუთ საათზე.

უწმიდესმა სინოდმა მართლ-მადიდებელ ეკლესიის სამწყსოსადმი მზრუნველობით გამსჭვალულმა, რათა დაითაროს სულიერნი შეიღნი ეკლესიისანი მავნე გავლენისაგან და დაუბრუნოს მართლ-მადიდებელთა ოჯახს ცულ მხარეზე მიმართულნი, იქონია მსჯელობა ლევ ტოლსტოისა და მის ცრუ და ქრისტიანობის წინააღმდეგ მოძღვრობის შესახებ და სცნა საჭიროდ ეკლესიის მყუდროების დასაცველად, გამოაქვეყნოს „საეკლესიო უწყებებში“ ეპისტოლე, რომელშიაც ჩამოთვლილია გრაფი ტოლსტოის ცრუ მოძღვრებანი და ბოლოს ნათქვამია: „გრაფმა ლევ ტოლსტოემ განუწყვეტლივ, სიტყვით თუ წერით, მთელის მართლ-მადიდებელ საქრისტიანოს შესაცდენად და შესაძრწუნებლად, არა ფარულად, არამედ აშკარად, საყოველთაოდ, შეგნებით და განზრახ უარ ჰყო ერთობა თვისი მართლ-მადიდებელ ეკლესიასთან და ყოველივე ცდამ მისის შთაგონებისათვის ამაოდ ჩაიარა. ამისათვის უწმიდესი სინოდი აღარა სთვლის მას წევრად მართლ-მადიდებელ ეკლესიისა, ვიდრემდე ის არ შეინანებს თვის შეცდომილებას და არ შემოუერთდება კვალად მართლ-მადიდებელ ეკლესიას. უწმიდესი სინოდი, აცხადებს რა განრინებას ლევ ტოლსტოისას მართლ-მადიდებელ ეკლესიისაგან, ამასთანავე ლოცვით შესთხოხს უფალსა, რათა დააყენოს იგი გზასა შენანებისა და ქვემარტებისას; გვედრებით, უფალო, ნუ განურისხდები ცოდვილსა, შეიწყალე და დაუბრუნე იგი წმიდასა შენსა ეკლესიასა. ამინ“. ხელი მოაწერეს: ანტონმა, პეტერბურგის და ლადოჟის მიტროპოლიტმა; ფეოგენოსმა, გალიციისა და კიევის მიტროპოლიტმა; ვლადიმერმა, მოსკოვისა და კოლომენის მიტროპოლიტმა; იერენიმმა, ხოლომის და ვარშავის არქიეპისკოპოსმა; იაკობმა, კიშინევის და ხდტინის ეპისკოპოსმა; ეპისკოპოსმა მარკელმა და ეპისკოპოსმა ბორისმა



## ახალი ამბები და შენიშვნები.

16 თებერვალს, ალექსანდრე ნეველის ტაძარში, პეტერბურგში, გადახდილი იყო პანაშვიდი საქართველოს უკანასკნელ მეფის გიორგი XIII-ს, დედოფალ მარიამის და გარდაცვალებულ ბატონიშვილების სულის მოსახსენებლად. პანაშვიდზედ ყოფილან: უგანათლებულესი თავადი ი. გ. გრუზინსკი მეუღლით, თ. ა. დ. ჭავჭავაძე, შვილის შვილი ბატონიშვილის ილიასი და ჩამომავალი საქართველოს ელჩის გარს. ჭავჭავაძისა, მარკიზი ალბუნი, შვილის შვილი ბატონიშვილის ოქროპირისა, თ. აბელიკ-ლაზარევი, ნათესავი საქართველოს ტახტის მემკვიდრის დავითის მეუღლისა, გ. პ. ერმოლოვი, ბატონიშვილის ილიას მეუღლის ნათესავი, თ. ფალავანდიშვილი, ჩამომავალი საქართველოს ელჩის ფალავანდიშვილისა და სხვები. პანაშვიდის შემდეგ უგანათლებულესმა თავადმა ი. გ. გრუზინსკიმ შეამკო გვირგვინით იმპერატორის პავლე პირველის საფლავი.

\* \*

საფრანგეთისა და იტალიის შემდეგ ამიერკავკასიას პირველი ადგილი უჭირავს აბრეშუმის მოწევის საქმეში. 1899 წელს იტალიაში მოუწევიათ 3.363,000 კილოგ., საფრანგეთში—560,000 და ამიერ კავკასიაში 310,000 (1898-ში კი—230,000 ამიერ კავკასიამ გაასწრო ამ საქმეში ესპანისს, სადაც 1899-ში მოუწევიათ 224,000 კილოგრამში.

\* \*

ჩვენ მივიღეთ საყმაწვილო ჟურნალ «ჯეჯილის» მეორე ნომერი შემდეგის შინაარსისა: 1) „დათვი“, ნამდვილი ამბავი თ. რაზიკაშვილისა; 2) «მამაცი შაში», კახ-იმერელისა; 3) „ძველი მოურავი“, ლექსი გ. ბოკერიასი; 4) «ლედი ჯენ.», მოთხრობა, თარგმანი ე. წერეთლისა; 5) „მადლო-

ბის გადახდა“, რუსულიდან, ს. კოტეშვილისა; 6) „ბეკიჩა და მისი ჯორი“, გ. წყალტუშელისა; 7) «სამი არაყი და გონება», ლექსი ბაჩანასი; 8) «გიორგის საფლავზე», დასასრული, ეკ. გაბაშვილისა; 9) «წმიდა გუნდი», ი. გოგობაშვილისა, 10) «სპარსეთის მეფე კამბიზი», ყუმისთაველისა; 11) „მტრედის გამჭირახობა“, ტასოსი; 12) „გასართობი“ და 13) „წვრილმანი“.

\* \*

როგორც ამიერ კავკასიის რკინის-გზის ანგარიშიდან ჩანს, 1899 წელს რკინის გზას შემოსავალი ჰქონია 21,957,798 მ., დაუხარჯია 10,285,321 მ. წმინდა მოგება დარჩენია 10,573,070 მან.

\* \*

საერო განათლების სამინისტროში ლაპარაკია აღძრული იმის შესახებ, რომ რეალურ სასწავლებლებში ინგლისური ენის სწავლება იქმნეს შემოღებული.

\* \*

ქუთაისის საკათედრო ტაძარში პანაშვიდი იყო გადახდილი მისი ყოვლად უსამღვდელოესობის ლეონილისაგან მრავალი ხალხის თანადასწრებით, რაფიელ ერისთავის სული მოსახსენებლად. მათმა მეუფებამ მგრძნობიარე სიტყვა წარმოსთქვა თ. რაფ. ერისთავის მოღვაწეობის შესახებ, რომელმაც მშვენიერი შთაბეჭდილება მოახდინა მსმენელებზე.

\* \*

დ. ყვირილაში, 25 თებერვალს, თ. რაფიელ ერისთავის სულის მოსახსენებლად შესრულებულ იქმნა წირვა და წირვის შემდეგ პანაშვიდი. ხალხი ბევრი დაესწრო.

\* \*

გამოცხადდა უწმ. სინოდის ნება-რთვა, რომ მესამე დიდ-მარხვის კვირიაკეს ლანგარით შეიკრიბოს შეწირულება ყველა ეკლესიებში, მოურჩენელ სნეულთა და მახინჯთა სასარგებლოდ.





# სწავლა და მეცნიერება ქრისტიანობრივ სარწმუნოებასა და ვეთილ- ზნეობაზე.

ხმა მაცხოვრისა ეკკლესიის მწვემსისადმი.

«სახე მიგეც თქვენ, რათა ვითარცა ესე მე გიყავ თქვენ, ვგრეთვე თქვენცა ყოფდეთ». (იოან. 13,15).

გაგრძელება \*)

თავი 4. სიმშვიდე.

1. დაამკვიდრე შენს გულში სრული სიმდაბლვე. ამას შეუერთე სიმშვიდეც,—ეს საყვარელი და მა-



ღალი სათნოება. მრავალი მაგალითი გიჩვენე ამ სათნოებისა, რათა ამის მეოხებით ღრმად ჩაიბეჭდო

\*) იხ. „მწვემსი“ № 3 1901 წ.

სულში ამ სათნოების ცნობიერება და სიყვარული. როდესაც იროდი მეძიებდა სასიკვდილოდ, მე ეგვიპტეში გაქცევით ვიპატივე თავის თავი, ე. ი. მშვიდი ხასიათის საშუალებით (იოსებ აღსდგა და წარიყვანა ყრმა იგი და დედაა მისი ღამე და წარივიდა ეგვიპტედ“ მატ. II, 19).

როდესაც ფარისევლები მეძებდნენ სასიკვდილოდ, მე განეშორდი მათ სრული სიმშვიდით და სიწყნარით («ფარისევლთა ზრახვა ჰყვეს მისთვის, რათა წარსწყმიდონ იგი, ხოლო იესო გულის ხმაჰყო და განეშორა მიერ და წარივიდა»).

როდესაც სამარიტლებმა არ გამოიღეს კარები, მოწათფებს უნდოდათ, რომ სასჯელად მომგვლინა მათთვის ზეციდან ცეცხლი, მაგრამ მე შევაცუნე იგინი და უბრძანე, რომ ვერ იცნობენ ჩემი სულის სიმშვიდეს,—იმ სულისა, რომლითაც მსურდა მათი გამხნევებაც (ლუკ. 9, 51--56).

როდესაც ჩემთვის იტყოდნენ, რომ ეშმაკეული არისო, მე სიყვარულით მიუგებდი, რომ არ ვიყავ ეშმაკეული («მიუგეს ურიათა და რქვეს: არა კეთილად ესთქუთა, ვითარმედ სამარიტელი ხარ შენ და ეშმაკი არს შენთანა? მიუგო იესო და რქვა მათ: ჩემთანა ეშმაკი არა არს“ იოან. 8, 28, 29).

როდესაც ჩემზედ გარისხებულმა მტერმა დაჰკრიბეს ქვები და უნდოდათ ჩემი დაქოლვა, მე მხოლოდ ის ვიკმარე, რომ უხილავ შევიქვენ, რათა მათ არ შესძლებოდათ თავიანთი ბოროტი განზრახვის სისრულეში მოყვანა. სულით დამშვიდებული წყნარად გამოვედი ეკკლესიიდან («ალიდეს ქვები ურიათა რათა დაჰკრიბონ მას, ხოლო იესო დაეფარა და განვიდა ტაძრით“ იოან. 8, 59).

დასასრულ მთელი ჩემი გრძნობები იუდას ამბორებიდან დაწყებული ჯვარზედ სიკვდილის წუთამდე წარმოადგენდნენ ერთს განუწყვეტელ მაგალითებს სიმშვიდისას.

2. ეცადე, რომ შეითვისო ჩემგან ეს მაღალი სათნოება. თუ ოდესმე გითხრას გულმა შეურაცყოფისთვის მაგიერის მიგება და მტერთა ჩაჩუმება, მოიგონე ჩემ მიერ მოცემული მაგალითები; საჯე და იხელმძღვანელე სიმშვიდით. ეცადე არ მოიშორო ფიქრიდან სიტყვები წინასწარმეტყველისა, რომლებიც სთქვა ჩემ შესახებ: „აჰა ესერა ძე ჩემი, რომელიმე სათნო ვიყავ, საყვარელი ჩემი, რომელი სთნავს სულსა ჩემსა...“



ნურასოდეს ნუ დაივიწყებ ამ დიდ მაგალითს, მეტადრე მაშინ. როდესაც შენს თავ-მოყვარეობას შეეხებიან, ან მაშინ, როდესაც შენ წარმოადგენილი გაქვს, რომ შენზედ მოყენებულს შეურაცყოფას ვერ გადიტან შენი პატიოსნების შეუღალავად.

იყავ მშვიდი ყოველ კაცთან, ნუ ბაძევ იმ ზღვდლებს, რომლებიც მშვიდნი არიან ძლიერთა წინაშე, ხოლო მრისხანე წინაშე სუსტთა და ღარიბთა. სიმშვიდე ძლიერთა წინაშე, რომლის გეშინია, შეუფერებელი თავის თავის დამდაბლებაა. ხოლო შეუფერებელი თავის-თავის დამცირება მე მძაგს. მრისხანება წინაშე სუსტთა და ღარიბთა ჩემ მიერ დაისჯება («მე ვყოფ სასჯელსა გლახაკთა და სამართალსა დაფრდომილსა» ფსალ. 139, 12).

თავი 5. სიმხნე სულისა.

1. სიმშვიდე შენი ყოველს შემთხვევაში არ უნდა ემსგავსებოდეს. სისუსტეს. მე ვარ კრავი ღვთისა (იოან. 1, 29), მაგრამ კრავსაც მაქვს გრძობა მრისხანებისა (გამოცხ. VI, 16). ჩემ მსახურთაც უნდა ჰქონდეთ ეს თვისება, თუმცა მათ ვგზავნი «ვითარცა კრავთა მგელთა შორის», მაგრამ სასურველია, რომ ჩემდა მსგავსად იგინიც იყვნენ აღჭურვილნი ღვთაებრივი მრისხანებით.

მოიგონე, თუ როგორი მრისხანე თვალთ შეეხედავდი ორგულთა, რომლებიც ბრმად მეწინააღმდეგებოდნენ. მე დავარქვი მათ «გველნი, ნაშობნი იქედნეთანი» (იოან. 23, 33). მე მათ ხშირად უსაყვედურებდი საჯაროდ: «ვამ თქვენდა მწიგნობარნო, ფარისეველნო, ორგულნო» (იოან. 23, 13—16).

მე აღვიჭურვებოდი ღვთაებრივი მრისხანებით იმ ცბიერთა ორგულთა წინააღმდეგ იმ მიზნით, რომ მათი გულის წყრომა ჩამექრო და არ შესძლებოდათ შეცდენა გულ-უბრყვილო ხალხისა. თქვენც ამ სახით მოიქეცით, მწყემსნო ეკკლესიისავ, იქონიეთ ზედ-გავლენა სიტყვის ძლიერებით მატყუარებზედ, რომლებიც ატყუებენ და ღუბავენ გულ-უბრყვილოთა სულიერებს. დაუცხრომლად უნდა სცდილობდეთ, რომ დაიკვათ ხალხი ცრუ მოძღვრებათა შხამისაგან.

მიუხედავად მისა, რომ გაბოროტებული ბრბო მოიწეოდა ჩემსკენ საწინააღმდეგოდ, მე მაინც უშიშრად და საჯაროდ ვაფრთხილებდი ხალხს: «ეკრძაღენით მწიგნობართა მათ» მეთქი (მარკ. 12, 38).

ხალხის შემაცდენელ ცბიერ მატყუარებს ჩვეულებად აქვთ, თავიანთი განზრახვის მისაღწევად უჩვენონ ხალხს ჩემი სიმდაბლე და სიმშვიდე. მათ სურთ, რომ ვერაფერ ვერ გაბედოს მათი მოქმედების ჩაფუშვა. ხალხს ბოროტად აგონებენ ჩემს მოძღვრებას. ამ მიმართულების ხალხისა და მათი მოქმედების უყურადღებოდ დატოვება მიუტოვებელი ცოდვაა ჩემ მსახურთათვის. ამისათვის აღიმალღეთ ხმა მათ წინააღმდეგ მამაცურად და სიმხნით. ნუ შეუდრკებით ნურც მათ საჩივარსა, ნურც მრისხანებას. მამაცად აღიჭურვეთ ხმლით ჩემს მოძღვრებისა და დაამარცხეთ ჩემი მტრები.

რა დიდი ბოროტება-უბედურებაა ქრისტიანობისათვის, როდესაც ჩემი ეკკლესიის მწყემსთ ემჩნევთ ცრუ სიმშვიდე ან უკეთ ვსთქვათ, სულ-მოკლეობა! სამარცხვინო სიმხდალე პირს შეუკრავს ჩემის მოძღვრების მქადაგებელთ. ნუ იყოფით ასე-

სამღვდელო მოსამსახურეთა სულ-მოკლეობით ვრცელდება თვლი დიდად სამწუხარო ცდომილებისა. ჩემის ეკკლესიის მწყემსთა სულ-მოკლეობით მყარდება და ძირს იდგამს ცრუ მოძღვრება ჩემს ყანებში.

ამ სულ-მოკლეობისა და სამარცხვინო სიმხდალისა გამო მუშაკნი ნიადაგს ამზადებენ, ხოლო მტერი კაცთა ნათესავისა სარგებლობს იმათი უდიერობით და სთესავს თვისს ღვარძლს (მაღ. 13, 25).

თავი 6. სიბრძნე.

1. მე ვასწავლე მაგალითებით, რომ არ უნდა გეშინოდეს ცბიერ მატყუარებისა, რომლებიც ყოველს ღონისძიებას ხმარობენ გულ-უბრყვილოთა სულების წასაწყვედელად. ყოველს შემთხვევაში ერთგულად ემსახურე ჰქმმარტებას, რომელიც კი მიიღე ჩემგან.

თუ მიუტცილებელია შენთვის ხალხის სიკეთისათვის ძლიერებისა და გულადობის გამოჩენა, და თითქმის საშიშროებაშიაც ჩავარდნა, იბრძოლე მამაცურად, ხოლო თუ შესაძლებელი იყოს ხალხის სიკეთის დაკვა უბრძოლველადაც, მაშინ ნუ იბრძვი უმნიშვნელოდ.

სანამ დადგებოდა ჟამი ჩემის წამებისა ურიები არა ერთხელ და ორხელ მეძებდნენ მე სასიკვდილოდ; მე ეს კარგად ვიკოდი, და ამისათვის, როგორც ჩემი სახარება გეუბნება, იმ ხანებში აღარ მივიღო-



დი ურიათა ქვეყანაში („იქცეოდა იესო გალილიას, და არა უნდა მისვლად ურიასტანს, რამეთუ ეძიებდენ ურიანი იგი მოკვლად“ იოან. V<sup>II</sup>, 1).

ასევე წინდახედულად ვექცეოდი ჩემ მორწმუნეთაც მათი ხასიათის სისუსტე და სიმჩატე მე კარგად ვიცოდი. თავის თავს ვერ ვანდობდი მათ (თვით იესო არა არწმუნებდა მათ თავით თვისით, რამეთუ ყოველთა იცოდეს იგი“ იოან. 2, 24). მოიგონე, რომ ჩემ მიერ მოცემულ მცნებათა შორის შემდეგია: «იყვენით უკვე მეცნიერ, ვითარცა გველნი და უმანკო ვითარცა მტრედი» (მატ. 10, 16).

თუ გნებავს შენს პრაქტიკულ ცხოვრებაში ჩემ მიერ მოცემული სწავლა-დარიგების განხორციელება, ხალხში მოქმედების დროს თითოეულზე უნდა გქონდეს მოყვარული წარმოდგენა; მოეპყარ თითოეულს ისე, თითქოს უთუოდ ღირსი იყვეს შენ მიერ პატივის ცემისა. იყავ გულ-უბრყვილო, ვითარცა მტრედი. ხოლო მაშინ, როდესაც ვინმესთან შენი მსვლელობა-დამოკიდებულება საშიშია, იყავ მეტის-მეტად წინ დახედული, და ფრთხილი: „იყავ მეცნიერ ვითარცა გველი“.

ბოროტ ხალხს სწადია, რომ ყველა სამღვდელო-მოსამსახურე ემსგავსებოდეს გულ-უბრყვილობით მხოლოდ მტრედს, და მის ხასიათს სხვა თვისაბა არ ჰქონდეს. ცბიერი ამ გვარ უბრალოებას იმიტომ ითხოვენ სამღვდელო-მოსამსახურეთაგან, რომ ადვილად შესძლონ მათი მოტყუება, ადვილად ამოქმედონ ივინი თავიანთი განზრახვის თანახმად, და დააყენონ ბოროტების გზაზედ. მე მნებავს, რომ ჩემი ეკლესიის მწყემსი იყვეს კიდევ მეცნიერ ვითარცა გველი, და მოხერხებული, რომ ვიხვდეს მისი მტრის ბოროტ განზრახვას, და უკუაგდოს მისი იერიში.

იყავ ფხიზელ, მღვდლო! უკეთუ ეჭვი გაქვს იმ გვამის ნდობაზედ, რომელთანაც საქმე გაქვს, და როდესაც შენ კიდევ არ იცი სანდოა ის თუ არა, მაშინ ერიდე მას და ნუ გაანდობ ნურც შენი გულის და ნურც სხვის საიდუმლოს. უკეთუ დარწმუ-

ნებული ხარ, რომ გულ-ახდილობა ავნებს კეთილს საქმეს, მაშინ ნუ გაუმხელ ნურც კეთილ განზრახვას, რომელიც აცხოველებს შენს სულს, და ნურც კეთილს გარდაწყვეტილებას შენსას. მე ვითხოვ შენგან წინდახედულ, ბრძნულ, მეცნიერულ უმანკობა-გულ-უბრყვილობას,—იმ უმანკობას, რომელიც ბოროტად ვერ უნდა გამოიყენონ ჩემმა მტრებმა, რაც უნდა ბევრს ეცადონ და ბევრი ოსტატობა იხმარონ.

(შემდეგი იქმნება).

### რედაქციის პასუხი.

მდ. ებ. შეტ—ლს. მე გირჩევთ თქვენი სტატიით იქ მიიქცეთ, სადაც იყო გავაშელოვის სტატია დაბეჭდილი.

მ. ფარცხნაყლს. თქვენ იწერებით: „დიდის ამბით გაიხსნა სკოლა და იმედია ამ სკოლას რიგიანი მასწავლებელი დაენიშნებაო“. უმასწავლებლოთ სკოლა როგორ გაიხსნა?!

გარ. შალ—ქეს. მონაწილე ვარ თქვენს მწუხარებაში, დედის გარდაცვალების გამო. იმედია თქვენი მწუხარება აღმსუბუქებულ იქმნება მისი სულის სახად კეთილის საქმეებით.

მდ. მ. ი. ჯავ—ას. ტყუილა გადგისწორებით 1900 წელი 1901 წლად ჟურნალის დასაკვეთ წერილში, სამი მანეთი წარსული წლის არის და არა ამა წლისა. წარსული წლის „პრემიები“ მოიკითხეთ სტამბაში და წაიღეთ.



მიიღება ხელის-მოწერა 1901 წლისათვის ოკ  
ავიკრულ გამოცემათა ქართულს

# „მწყემსი“-ზე

რუსულ «ПАСТЫРЬ»-ზე

ქურნალის ფასი:

- 12 თვით «მწყემსი» 3 მ. | 6 თვით «მწყემსი» 2 მ.
- „რუსული“ 3 მ. | — „რუსული“ 2 მ.
- „ორივე გამოცემა“ 3 მ. | — „ორივე გამოცემა“ 3 მ.

ბაზუთზე ხელის-მოწერა შეიძლება როგორც ვეინაღაში, აგრეთვე ქუთაისშიან. თბილისში წერა-კითხვის გამავრცელებელ საზოგადოების წარმომადგენელთა მ. ლაზარში, ბ. შიო ქუტუაშვილთან. ფოთში — დეკანოზ მ. გრიგოლ მაჭაროვთან; საჩხერაში — ყარაიან ჩიქიძეთან; ახალციხეში — დეკანოზ დ. ხახუტოვთან; ახალციხეში — ბლაღოჩინ მათა არისტარქ კალანდარიშვილთან.

სოფლის მასწავლებელთ და ლარიზთ განეთები დაეთმო-ბათ მთელის წლით ორივე გამოცემა სამ მას ეთ ა დ. რედაქციას აქვს კანტორები: ქუთაისში დეისადის სახლებში და ვეინაღაში რედაქტორის საკუთარ სახლებში.

ბაზუშე მცხ ოგრებთ ქურნალის დაბარება შეუძლიათ ამ აღრესით: Вь Квирилы, вь редакцію газеты и журнала „МЦЕМСИ“ и «ПАСТЫРЬ».

რედაქციაში მოიპოვება წარსული წლების რამდენიმე სრული გამოცემანი „მწყემსი“-სა, რომელნიც ნახევარ ფასად დაეთმოებათ მსურველთ.

1901 წლის ხელის მომწერთ პრემიად (სახუქრად) აქვსთ დანიშნული დიდი სურათი ყოვლად სამღვდლო ლეონიდისა, იმის მსგავსი, როგორც არიან შოთა რუსთაველისა და თამარის. ხელის მომწერლებმა უნდა შემოიტანონ ფოსტის ზედმეტ ხარჯად ორი შაური. ამ პრემიის გასაგზავნი.

## ქართლ საავთმყოფო აგზულატორიითურთ ს. ბ. თოფუჩიას.

ქ. ქუთაისში.

საავთმყოფოში დგას ორმოცი საწოლი. ხირურგიულ, გინეკოლოგიურ და შინაგან სენით ავთმყოფთათვის. მუწუკებიანი და გადამდები სენით ავთმყოფნი არ მიიღებიან, მოსიარულე ავთმყოფნი მიიღებიან ყოველ დღე 11 საათიდან შუადღის 3 საათამდე.

შინაგან და ნერვებით ავთმყოფებს მიიღებს მ. ს. ბ. თოფუჩია.

ქირურგიურ შარდით სიფილისით და თვალების ავთმყოფობისათვის.

მ. ფ. კ. გარაბაძი.

დედაკაცურ ავთმყოფთა და საბებიო ქალი.

მ. მ. ფ. კოზანი.

წიგნა დარეგების ფასი 50 კ., კონსილიუმის ფასი 3 მ. დღე და ღამე ქირს საავთმყოფოში სრული სარჯით და ექიმობით 2—3 მანეთამდე, აზერაციის ფასი გარეგებაზე, სამკურნალოს დირექტორი ს. ბ. თოფუჩია.

### უ ნ ი ს ა რ ს ი:

საილთმებატურო განყოფილება: ყოვლად სამღვდლო ვაბრიელის საფლავზე ძეგლის დადგმა და მისი კურთხევა გვლათის მონასტერში. — არიან თუ არა ქართველ-კათოლიკენი? — იმერეთის ეპარქიის სამღვ. დეპუტ. კრება ქუთაისში 15 დეკემბერს. — თავადი რაფიელ დავითის ძე ერისთავი, (ნეკროლოგი). — მღვდელი პეტრე ჩარკვიშვილი. — ჟურნალ-გაზეთებიდგან. — ახალი ამბები და შენიშვნები.

სწავლა და მცენებარება ძრისტიანოზარიზ სარჯოშენ. და კეთილ-ჯანოზაზე: შმა მაცხოვრისა ეკკლესიის მწყემსისადმი. — რედაქციის პასუხი.

განცხადება.

რედაქტორ-გამომცემელი დეკ. დ. ლაზარშიძე.

Редакторъ-Издатель П. Д. Гамбашидзе.

Дозволено цензурою, Тифлисъ, 2 Марта 1901 г. ♦ Цензуръ прот. Е. Елиевъ

Типог. редакция журн. „Пастырь“ (П. Д. Гамбашидзе) въ Кутаисѣ, въ д. А. Дейсидзе на Нѣмецкой ул.